

跋甫五
岳集

脩汲堂藏板



跋甫嵩
山集

脩汲堂藏板

遊嶽必五者備而後可暢雅懷非徒婚嫁婚嫁也夫
畢婚嫁則家累不撓心斯可以發遊興騁騁騁騁與
騎所不能到是必得濟勝之具舟車遠濶行李往來
遊貨宜裕幼弱不知遊壯盛有所營龍鍾之老不任
此則必及遊之年樵夫牧子曰夕攀登卒無一字必
吟眺足發川巖幽异乃為不負山靈予家婚嫁極簡
易有生不省家事於禮成日惟飲酒昔侵曉送女出
閭即往丁仙洞有句云比較向平先一着未須了局
便看山山情故自勃勃體素便登涉盛年遊山輒徒
步往故人葉惺齋相遇於雁蕩之馬鞍山見予赤脚
踏流泉徑去詫為奇事筆耕所入足辦行裝鄙性不
輕就親知一飯自辛未發軔嵩山時年五十七中間
一年不遊華秦衡恒凡六年而遍於今六十有二矣
筋力雖衰尚堪登躋嶽頂性癖耽吟登高懷古胸中
有如許物必傾吐乃快衡恒路益遠興益豪所作益
多初不計工拙五嶽巔輿俱遍洒墨跡凡所涉歷陰
雨開霽虎豹遁藏邊塞苦寒亦較常年暄暖豈敢謂
感通嶽靈蓋一物荷皇天之慈而已頃過日下視女
病纏牽於懷向平之累之不易遣乃爾然不廢子遊
五嶽惟華山最奇險過青柯坪攀鐵索上死生直在
呼吸然奇景步步超越意表嵩二室泰兩觀其幽勝
在盧巖黃華洞衡山回雁雲麓首尾迤八百里恒山

孤峯陡峭統領萬山昔人謂嵩山如眠泰山如坐華
山如立子益以二言衡山如行恒山如蹲斯足盡其
勝際矣予意興在遊亦因以求訪異人華山蒼龍嶺
上李道士為予言南頭一處所值雲氣開朗人民廬
舍阡陌了了在目狀類桃花源予庶幾一見之悵望
彌日衡山見一人左股大於身中心惻惻而所謂異
人者竟不可得豈魁杰深藏不可踪跡耶抑塵俗不
堪密邇耶豈心麤眼翳交一臂失之耶抑天地標奇
於山水氣力不能鍾毓耶五嶽集共得二十卷遂借
號五嶽詩人前之題名獨往生惟恐遊之不及遍令
幸天遂予之初願遊之佳處予當境自得之所存詩
真雪鴻之跡哉乾隆丙子十一月月幾望五嶽詩人
桑調元自序

五嶽集總序

二

修汲堂

張甫五嶽集目錄

嵩山集古今體詩二卷共二百六十四首
華山集古今體詩三卷共一百九十五首
泰山集古今體詩三卷共二百六十二首
衡山集古今體詩五卷共四百二十六首
恒山集古今體詩七卷共六百一十二首

五嶽集總目

一

修汲堂

予性好遊有遍五嶽之志歲戊辰來中州嵩山雲嵐
固應入吾屐底顧忽忽蹉跎至今山中友人貽予書
曰名山如好友子客中州而不嵩遊是交一臂失之
也予遂發憤賃一牀車無朋儕無僮從所至停軌於
坡陀之足獨策一藤竈幽極峻意有所得則嘯呼作
為歌吟淋漓題厓壁不著名祇署獨往生自前遊天
台雁蕩洞庭之勝已然喜老而濟勝之具尚在汲汲
遍佳山水足果汗漫遊之諾道所經古跡清景輒一
詩與收拾中有寄吁慨不能已者物外人未得竟無
心肝吟畢即置之要不使胸中留滯予早就恬寞於
世味久雪淡間齒及衰遲亦怵於沒世喪稱之實非
畏景之晏也詩不求工聊記吾目前遊踪已矣乾隆
辛未後重午日桑調元自序

嵩山集序

一
修汲堂

嵩山集目錄

卷上古今體詩九十四首

卷下古今體詩一百七十首

嵩山集目錄

一

修汲堂



卷下古今體詩一百七十首

卷上古今體詩九十四首

目錄

嵩山集卷上

詩一

嵩遊口號

中州山水暢乘凌手攬蒼厓萬歲藤蓋卓一峯雲氣
擁灘高八節浪花騰遊參禽向吾應得飛逐猿猱老
尚能最惜春風餘幾日回看苑樹綠層層

登車

微雨浥輕塵登車發興新清遊始中嶽好景屬閒人
地擅三川勝天留幾日春猶餘花柳色紅翠眼邊勻

出郭三首

嵩山集卷上

一

修汲堂

出郭已清曠林垌無市聲村花踈掩冉野麥細縱橫
溝溢前宵雨雲催卓午晴金明池上柳含翠送人行
今歲春寒峭郊原百物遲桃花紅未雨楊柳碧纔絲
騁望聊乘暇耕耨恰及時連晨和澤遍天地本無私
葱蒨當韶景柴車迤邐行春原千頃綠黃犢一犛鳴
老漁農為塹新亭客記程無心雙隻堠道左自將迎

雨憩韓庄

連村畦水淥一雨滄客房蔬枰色蔓蔓屋山散琅琅
紅英散風牖翠縷搖烟庄威紆暫輟輒安隱聊傾觴
寧知野服濕且對春物芳空濛極郊甸滿眼羅青蒼

水月庵

萬象從教淨破除也知水月是空虛如何不用茶毘
法畱取人間一土苴

寺有僧真身
傅金尚存

雨中絳菴

緋桃開一簇雨望轉嫣然潑處火逾熾濯來錦倍鮮
行迷武陵水夢斷瓊臺烟翻喜春光晚能令騷客憐

雨行中牟道中

元雲翳天未澍雨飛隴頭芳田野雉雒春穀最和柔
花下艤漁艇水中行客輒遷迤坦槁度滌汨方塘流
我馬嘶煙樹我僕睇譙樓逆旅却如歸涼景還如秋
見漁舟作

一水滌洄好經過畧約平漁郎何處去烟艇此中橫

嵩山集卷上

二

修汲堂

故國心潛觸塵途眼乍明西谿久拋却夢斷棹歌聲

訪官渡

官渡知何處蒼茫想舊城曹袁遺壘失烟雨綠蕪平
大地幾龍戰空天一鶴迎無窮家國事物外詎關情

中牟曉發

宿雨已盡收曙光猶半黯輾輾客車馳寂寥村戶掩
縈青柳千條飛白鷗一點桑柘早日寒郊垌遠烟淡
春水漾汀沙微風響葭莢行子怒朝飢出壚餅可啖

白沙鎮

驅車白沙鎮夾塵綠楊堤急送春風盡都綠萬縷齊
天晴鴉噪喜塗亂馬行迷野菜花如繡東園想故蹊

列子祠

我生亦好遊，獨往意汗漫。先生繕性熟，脫棄塵跡踐。
官粟不妻子，野屨只里閭。言類接輿狂，形異琴張慢。
窮老隱深霧，元豹無人見。圃外度靈風，拂水冷然善。

鄭州

輪蹄來往各爭程，賸客閒心獨寡營。春水新波流汗
湯，原田陳跡莽縱橫。際天麩麥無窮綠，過雨塵沙分
外清。此日遊踪師列子，冷然也自御風行。

逍遙公故里

宦遊淹塵跡，誰復還林屋。歎息逍遙公，別占幽棲谷。
星罕飛山莊，烟樓跨澗隩。恩遇逐雲龍，榮華一蕉鹿。

嵩山集卷上

三

修汲堂

雨泣東巖花，風嘯北溪竹。故里夕陽寒，波光動羣木。

庚午渠

僕射陂前水，瀰漫四散流。只今千派漲，却有午渠收。
麥浪青浮野，楊絲翠映溝。迴波春浩蕩，飛去一沙鷗。

謁子產祠

兵爭王澤竭，波蕩民風頽。慨想能為國，閔濟非公誰。
荒閨祠宇在下馬，拜階墀。白日隱高封，春風吹經絲。
何人嗣芳躅，令我紛涕洟。翩翩吳季子，投分固其宜。

燭之武退秦師處

吾惜燭之武，緹城能退秦。才奇空已老，事急有斯人。
遺堡風梳柳，殘碑雨洗塵。番番懷蹇尉，千載共沾巾。

須水鎮

須水晚烟翳極目寒蒼蒼遠樹澹春色空波明夕陽
分林下鳥雀識戶歸牛羊林墟看漸暝野迳覺猶長
柴車帶星影茅舍延燈光戶小不勝飲新泉浮一觴
曉發滎陽

侵曉織驪駕僕夫道傷煙柳影糝糊明星煜煜光於
月清露濃濃墜侶珠午夜捫心完素志十年回首愧
塵途棟花風入陶嘉候春色堂堂惜暗徂

漢祖繫馬槐

歷亂鴉飛曉樹林蒼涼無復古槐陰時平久失成臯
險氣盛猶為廣武吟繫馬終然成帝業斬蛇早已定
天心憤王誤割鴻溝界不逝烏騅淚滿襟

嵩山集卷上

四

修汲堂

京叔段

斜段懷中物如何敵寤生慚惟啣鄭志侈自壞京城
白日黃泉下荒墟蔓艸平同根還可念嘆息豆萁情
弔石季倫二首

自古金為崇誰教穴季倫護應恨孫秀識自痛安仁
荒艸纏幽磔殘花綴古春繁華消散盡嗟爾墜樓人
銑溪何足問往事歎金墉世亂幽囚數財雄禍患重
翔風石崇
婢名拋艷態步障失遺蹤洛下青山曉微聞遠

寺鐘

滎陽道路多闢峻阜中監僅容車長或里許

感賦成咏

客行榮陽道土阜高挿天是中通一徑雙轂不得旋
左右立峭壁飛猿愁攀緣顧瞻脩且狹形勢車箱然
車箱苦難出氣結何由宣來者一以阻倒行讓誰先
春雨零十日泥濘倍迤邐冥冥恠鳥叫汨汨衝波漩
一夫或為暴要害搯吹咽入迺驚幽谷出迺超重關
如何開闢初天成此險艱智勇了無施誰能鏹孱顏
塵途每多隘惆悵為此篇

廣武吟

樹木何翦蔚岡阜何巘岼下臨不測谿橫漲飛驚湍
地形信險隘彫虎扼雄關昔人圖霸王去聲轉關京索

嵩山集卷上

五

修汲堂

間隆準運方厄戰敗成臯還九天龍失躍智井潛泥
蟠鴻溝盟一渝大號建瀛寰成敗勢已定乃强沐猴
寇汜陽即帝位威加良已殫狂言詆孺子咄共廣武
歎

汜水潘涵亭同登元武臺望釜山黃河太行
虎牢伏蛟諸勝過竹院茗話約話朝遊竹川
不果赴有作得八首

之子絕俗人清心謝塵瑤把袂梯層空目盡河嵩外
青螺秀雲坳白鷺渺沙瀨回飈激石櫺杉檜發仙籟
天際立松喬瀏觀別有會元武臺在城內

蒼蒼萬雲巒翠分嵩少支釜山蒸暖靄群峰鬱參差

落景霞嵐合天續紛歲蕤春空裊青髭一氣澹池之
妙契清遊人山心結在茲

金一在正高

大河自天來并合羣流渾水氣黃日月九折喧雷奔
登高望洪波渺然一練痕冥茫玉門渡終古如帶存
逶迤汜水注春靚橫厚坤慨想古豪傑駐立至煙昏

河在西北

行山影落日際天一髮青修靄自橫亘不辨峯巒形
山東二百州亭毒包元精河流界一綫遠勢列幢屏
縣山扼玉玦缺處軋霄崢蒼然暮色至乃與萬象冥

行山遠隔河外

周王獵東都實至古峻闕桓桓七萃士搯帟拖爛斑

嵩山集卷上

六

修汲堂

茲地信險要壯勢凌孱顏古來爭戰地生草血色殷
承平踰百祀吹角列戍閒春山淡夕照半嶺樵歌還

虎牢在西

亭亭伏蛟山鋪翠不可斂夕日明高青春厓發群巖
松色一坪深雲陰半坳澹依微芳艸藂下有仙人室

伏蛟山在西

青冥下危梯一亭立坦迤雨苔濃作花春竹澹如水
空檻夕陽低孤城暝烟起羨我遂初衣微嘸寓深旨
萬事浮雲然柯若有實理

竹院在元武臺後

仙邑有靈區一川映疎竹曲池春不波叢筠露如沐
題字上脩清流觴下寒淙遂約御風行深遊躋白谷

嵩雲遙相招幽韻謝戛玉會當續清緣裹糧來不速
曉發汜水二首

汜水平不流微瀾一何靚凌晨暖輕煙浮光自媚淨
沙禽獨足拳凝靜侶禪定罔罔東光生遠波動清映
羣山明髻螺寫入白銅鏡

曦輪出未高山脚猶薄霧濛濛侶白雲瀾漫映芳樹
巖坳轉陽光五色紛纂組連山何崔嵬千仞皆積土
點染施天工本質添秀嫵春山無定姿暄妍半隱露

陶穴

春巖碧叢叢麥光翠欲溜人家陶穴居山腹成架構
屋下自晨炊屋上自耕耨衡從無町畦雜蔣綠如繡

嵩山集卷上

七

修汲堂

時邀風掩扉夜絕星過雷足知上皇民淳樸多黃耆

晚春感興

春深碧草縵蝴蝶紛交飛林日翳茅宇水風涼袷衣
衰髮幾絲短芳郊羣綠肥花事垂欲盡愁絕春安歸

洛水

浩淼臨洛水春瀾清且長霏微芳樹岸沿緣泝流光
頻年扃曲室不見浮舟航今晨面淥漪篙竹森連檣
北客燈照蜩得歸喜洋洋官人愛新綬遊子思故鄉
我客亦已乂對此轉茫茫

杜工部故里

青山入鞏洛秀色超塵寰鍾英產詩老悲歌成史編

契稷輒自許高李空隨肩東郊傷瘦馬西川拜杜鵑
我行敬草樹式此南瑤灣嗚呼斯人逝吟者無其賢

三田故里

三田如荆樹本自懼同株如何中離異頓使連枝枯
離者輒復合枯者仍榮敷遺風成雅睦足為鄉里模
曠林不相能帝遣各一區歷山憂未解于田泣嗚嗚
周公與管蔡零雨涕淚俱可堪粟布謠漢文心煩紆
有生遇乖違飲痛無賢愚李榘代菴僵交讓同悲歔
相輝良不易華萼愁蕭疎精誠感草木涕下沾衣襦

望宋陵作

洛水春蕩瀟沅山高崔嵬山水映終古人事多興衰

嵩山集卷上

八

修汲堂

陳橋黃袍攤鼎業東京開羣姦不破碎靖康釀奇災
宋社既南遷艮嶽生蒿萊盤回七陵氣蕭瑟蒼山隈
臯亭飛白燕舟覆無遺骸江東燐火冷鬼哭冬青哀
升高睇珠邱潒泱隔風埃其誰腸木石不識昆明灰

訾玉山

停車拾苔級直上訾王巔紺臺元雲構伊洛橫檻前
嵩高岫無數青天寫烏髮赤日西照耀金碧輝爛斑
山川到洛下風秀如吳關羈懷藹紛積釋在隔河山

鳳凰臺

層邱翠嶂岫上有鳳凰臺歸昌叶玉琯不獨岐山隈
流雲罨灌木飛雨湔蒼厓後王幾龍關中土紛塵靈

緬想德輝覽雅韻傳噤啣圖告聖瑞八百基為開

北邙山

嵯峨北邙山伊古為嵩里起塋象初連沙平一塊壘
玉鳧夕闕泉金椀朝出市哀哀殉珠襦冥冥沒皓齒
新墳聳巖頭故墳壓石底故鬼不足哀今古同一軌
皇陵崇轟天生前憑玉几臨安一播遷王氣清如水
我登鳳臺巔北望尺有咫靈風颺然來日暮松檜起

溫泉

散步奉仙澗溫泉漾淺淥閒心任冷暖淪連已悅目
汨汨下前溪飛漱一條玉鷲根落冷泉春淙夢斷續
小住意彌佳愛此流波煥上流濯我纓下流濯我足

嵩山集卷上

九

修汲堂

王輔嗣墓

夷甫慚取節深源怪書空陸沉坐此輩貽笑曷有窮
先生善談易理窟開溟濛片語啟微妙承學之所宗
從祀漢唐儒本以經術崇何人議典禮輟主兩廡中
暴秦任商鞅傳以二世終清言寧致患此言亦為蒙
要當論箋故不與向郭同荒蕪別蘭艾颯然來清風

曉發偃師

衆星光磊落一鐸敲郎當烟籠垂楊岸露滴芳草塘
輕車行輾輓馬復遊龍強朦朧闌幾埃始動咸池光
惜經輔嗣墓未謁邱壝荒歎息吾誰語斯人久淪亡

許睢陽墓

九死睢陽戰，飢羸不易心。許公埋骨處，猶自陣雲深。
碑杜當陽工部墓處二首

遠祖與間孫，文章勲業存。九原相映徹，都在土樓村。
當陽癘春秋工部耽佳句，誰知弔古人。烟霞已沈痼，

懷二程子祠作

二賢生有宋，浩蕩鍾元精。瀟溪覽風月，妙契吾與情。
倡道自中天，昭昭日月行。嗟彼猥薄子，妄欲虧其成。
忌諱談孔姬，畏之如拘囹。清渭不可污，祇自流濁溼。
故里如鄒嶧，統系千秋明。何當陪執爵，廟祀肅維馨。
棗園渡二首

問渡棗園邊，春波草色連。兒童誇躡捷，牽馬上平船。

嵩山集卷上

十

修汲堂

水漲浮橋拆，津頭艇子寬。喜農遲問渡，艇子比橋安。

龍門

亦自成天闕，中州此最佳。春流合伊洛，桃汛下黃淮。
蕪沒六朝寺，雲崩千丈崖。禹功疏鑿在，明德遠堪懷。
禹王池

山泉流滄渚，方甃為之瀦。春深綠苔藻，歲久孽龜魚。
清極不可唾，羸餘聊用輸。澄寒吐石吻，形勢瀑布如。
喧瀉呂梁洪，亂濺驪龍珠。禹功信永賴，想像開鑿初。
屢起湔老眼，飽看殘年書。

賓陽洞

深空賓陽洞，妙答人語響。鑱此文六身，要令信者仰。

山雲白浮浮石泉清益益古之逃虛人天然蘊真想
香山寺

龍門香山夾大川左右飛翠衝波漩交流伊洛噉頑
堅朝陽夕陽精鐵然賓陽黜洞伊關連一根筇竹鎗
衍穿渡河一葉輕洄沿白公剏寺涯東偏清閑微之
引勝緣梵王巨剏標危巔十寺強半陳跡湮此獨兀
突撐中天時巡

聖主臨澗渥罕罩縹緲靈山前樓臺岬起金碧鮮
奎文煥爛照坤乾銀鉤勒石蛟龍纏紫氛騰騰護雕
檉琳宮增耀垂千年王城邑子頂禮虔堯花仕女來
珠軒衆香寶地肅芊芊孤園隨喜何駢闐畸人覽古

嵩山集卷上

十一

修汲堂

踏蒼烟亭臺高下行踰躑醉吟翁草翻遺編紗巾草
履思古仙乘化歸去留荒阡山川陵谷縱變遷清文
不沒清光延序文持比金谷賢俗塵侶得犀辟蠲西
厓湯公
右齋風雅藹孤騫栽培封樹清墓田退谷汪
藻筆勢尤

翩翩擘窠大字精雕端重之不異珍珠船晚春光景
飛榆錢攢鋪一徑楊花羶悠然倚樹聽流泉坐看長
河落日圓平沙宿鷺紛聯拳薄衣白袷聳吟肩詩成
揮在銀光箋好事或作蝮蛇憐清遊不用姓名傳形
模高穎濶兩顴濟勝未覺腰脚屣去矣疾若箭離弦
一彎明月松間懸

懷安樂窩有述

寸心有微尚遂與功名疎所貴中有得混跡在樵漁
風流想人豪程馬心相於洗然事安樂一窩常晏如
春風洒衣袂流水穿屋廬我行缺升堂末由拜階除
白雲望空際信意自卷舒

曉發龍門

赤日東崖上光生伊洛流逶迤遵輦道迢遞上嵩
邱鴉語散清曉馬行綠綠疇前行問佳境仙嶺欲登
緜

緜嶺

縹緲登緜嶺豐碑倒景明人言王子晉夜度紫鸞笙
春盡繁花落空山一鶴鳴神仙眇何許邱隴綠蕪平

嵩山集卷上

十一

修汲堂

緜山晚眺

緜山秀孤矗不與群峯偕意含閨風遠淺碧無塵埃
前臨萬嵐岫一一石筍排雙峯作門戶洞達當中開
陂前列芳畛淨綠鋪春階二麥等瑤艸披拂冷風來
登高一睇望宛上昇仙臺清境難久駐微月光徘徊

輓轅

飛雲過輓轅山蹊翠曲折溪澗滙湍淙春流鳴泱泱
迤度縮嵩橋橫波卧雌蜺麥疇綠如染葱蒨藹可悅
坦脩馳道通峭隘鐘磬嘒沙平萼嶺口石滅古車轍
來往遵夷庚無復嚴關設惟瞻少室峯青山粲行列

少室峯

崢嶸少室峯支分三十六晴暉遠聯綿層嵐青簇簇
近愛王子峯瑤艸藹豐縉石泉泄陰竇涓涓清可掬
逶迤少陽源芝田遍滲漉氤氲嶽有神晻曖雲成族
冷翠少林飛穹圓鉢孟覆深院午鐘清春山萬重綠
少林寺二首

千秋少林寺道場開達磨惟有數株柏奇古堪摩挲
古柏既磈礧凌霄亦輪囷空山此主客閱盡古今人

會善寺

紆經翠柏原幽詣青蓮宇清暉恰可中煖景不常午
石竇噴龍泉香臺下鴿羽塔影照筠房雲氣生洞戶
陰巖樹色寒廢竈烟痕古欲坐戒壇西長廊聽春雨

嵩陽書院

嵩山集卷上

十三

修汲堂

書院嵩陽舊規恢耿逸庵先生澤寧斬後死道誰擔
興廢唐宮屢存亡漢柏三穹樓峙雲表最喜貯緇函

漢柏

元氣盤鬱嵩之陽有社離立參天長問年直在彭朙
上羸劉何足論興亡一株鐵幹蟠蒼蒼皮鱗皴白
骨老東頭飛柯百尺枯巨斧斫斷虬龍爪佳哉生氣
何婆娑枝條蒼蔚蔚形嵯峨半人喜得習鑿齒全人凝
視哀駘它其一磅礴愛奇絕周遭七圍蘚皮裂輪囷
空腹雷火燒風雨濤奔穿洞穴是中廓落可容人盤
根不動何嶙峋空明豁達透日月正直昂藏驚鬼神

古來英君稱漢武封禪曾經過中土猥加封號大將軍千載猶錄羣芳譜通天臺上祈仙靈金盤承露凌高旻劉郎亦是秋風客茂陵松柏摧為薪巍然此樹形模久螭篆龍文互轉紐仙宮梵宮幾劫灰人生安得如汝壽汝邀天幸更堪論三株僅有兩株存君不見書院空階餘石壘當時共拂蒼烟痕

啟母石和韻

吁嗟啟母石嵬峩殆亦偶是物應星精寒光射珠斗氤氛連雲根淋漓襲氣母驚砰秋雨滴銳挾雷霆走狀類劈斧斂元工無好醜緬惟開闢初儀象元黃剖大擘巨靈掌細啣精衛口海枯爛不免金流爍亦朽此屹黃室間跡著延光後鴻烈比齊諧志怪標談藪碑銘紛傳疑宇宙無不有

中嶽廟

嶽廟矗雲起正當黃蓋峯高聳森鐵鳳古簡貯金龍寰宇青嵐拱中天淵氣重 聖朝嚴秩祀不踵漢登封

見嶽廟垣外一柏樹甚奇

參天萬壻萃溜雨千鱗斂此樹太奇特擁腫纏腰身

周道峯寄袁石峯

舜裔

蒼藤拄到萬山巔滿眼春濃漢時田谷口耕樵寧識我雲中雞犬亦飛仙冥茫一帶渾河繞開落三花少

室連寄語梁園隱君子茅龍騎取上青天

放歌行登峻極峯作

崑崙祖脉青龍從兩戒巖峩爭豪雄河山環拱此隩
宅崧高拔起天當中灑氣呵噓對噴薄離合太少分
西東華蓋童童赤霄上旄旒瓔珞垂高空霞氛輝赫
照帝所瀛寰萬嶺齊朝宗神房白晝起烟霧嵌竇騰
湧陽光紅岱衡恒華儼列笏天門詖蕩開鴻龍石樓
千尋駕紫翠丹梯逕絕風雲通菖蒲九節雜瑶艸續
紛石上香茸葺神仙恍惚忽善狡獪風袂難把浮邱公
漢武登封集靈瑞茂陵烟樹狸蒿蓬金繩玉檢復自
誑若呼萬歲驚愚蒙

嵩山集卷上

十五

修汲堂

今皇睿識高萬古陋彼封禪誇神功稽古典禮時巡
狩燔柴秩祀臨中嵩乘凌周道至峻極飛龍直上
第一峯乾坤磅礴發天濛宮碑鐫鑿厓磨礪野人
夙願遍五嶽發軔此地標遊蹤青鞋布襪便登陟半
空巒磴盤孤筇二十四峯羅烏底咫尺少室雲嵐重
放眼層空周八表齊州極覽烟濛濛飛光倒影射絕
壁日車弭節踰高春芙蓉萬朶金明滅一披竒觀排
心胸默禱神靈毓申甫永贊鴻禧熙無窮烟庭樾館
天結構草堂作計栖盧鴻

嵩山道中三首

盤盤上空眞圓筇鏗白石雲破高登崖去天不盈尺

廢竈翳春苔荒荒羽人宅陡絕深巖坳一泉窸寒碧
空山闐無人元鶴宛主客

鐵壁皴幽蘚古錢綠且團衰延大小峽蒼柏凌巘屹
風磴斷百仞猿鳥稀游盤層梯鑿寒翠引置青霞端
仙籞在碧落榭木森勾欄

古壇積雨圯頽陽明廢墟空坪奔元鹿境絕無人居
榛藂隱片石苔厚扶寸餘青山信所遠滿意延清虛
天風颯然至拂拂飄吾裾

龍潭

一勺涵坳泓沈沈陰晷閱急雨拔湫飛遲日抱珠睡
巖根腴不枯烟華冷逾翠幽絕滄春淙冷然澹人意
俯仰跡已陳虞泉過白驥晚色靜年芳深潭一花墜

嵩山集卷上

十六

修汲堂

玉井

崧巖瀦玉井古甃宛天成寒漿沉圓瓢真源通方瀛
扳蘿斂猿子洗藥輿仙峒窈窕素綆汲演漾常冲盈
天空春雨響夜靜月華明躡躡鑑眉髮冥思涵孤清

中天池

翠沼天中央冷甃太古石不識帝臺漿漫謂春泉脈
冥生雲族寒孤浸曦輪白漱流沿芳陂一渦照凝碧

玉女搗帛石

呼鳳銜長梭織作光明帛搗之煩玉女留此一片石
片石的皦含晶瑩叩如哀玉聲泠泠仙巖一用嫔婷

力九霄環珮歸瑤京武皇當日暮通靈蜚廉桂觀高
崢嶸勝日之車畫雲氣承露之盤標金莖發船遣入
蓬萊島觀跡親臨緱氏城九節丰茸翠蒲長三能瑾
璨華星明王母盛作七夕會從官齊聽萬歲穀牽狗
遠叨老父問捧書近覩青童迎文成馬肝諱死密五
利羽衣封爵輕崑崙道從公玉帶神鼎策授公孫卿
上元夫人降雲輶偷桃兒竊窺風標龜臺玉女不知
數丹籙一一聞僉名却願搗帛女窈窕來殊庭解后
中嵩上顏若茗之榮得毋許飛瓊或為董雙成不然
乃是墉宮王子登不然乃是鼓歌僊曲之法嬰作使
西飛青雀去如蓋上結黃雲俾鳳尾羅鵠紋綾人間

嵩山集卷上

七

修汲堂

機杼不足稱瓊海蛟綃割不盡銀灣雲錦羅千層安
得將此帛下散三老孝弟各各紛携擎臘脂塞轉嫖
姚將筇笻軍回驃騎營長安萬家砧杵歇紅闈玉筋
休縱橫晚歲纔有輪臺悔沙場莫救冤魂縈紫龍城百
萬看速死鳳闕一人祈長生黃金可成河可塞無奈
陵樹俄青青只傳太室山頭跡彷彿落月聞猷鏗

玉女窗

石櫺宛天構拂曉回芳飈晚蕙發烟蘂老檜垂春條
日輪映清曠天門隣虛寥幽洞龍宅廢古壁龜文龜
昨宵微雨過四牖涼蕭蕭淹回度九夏仙塢無炎歊

石室

太初誰鑿鑿一室架石棟鶉居入幽潛龍眠際曠空
見聞生道心偃仰息塵夢春歸樹色繁月出檐影動
橫几五絃清貯醖三漿凍韓盧不我待浩歌下巖洞

高登崖

層崖開翠窟崎嶇度危梁一澗清瑤流石髮梳春芳
林影白日寂鳥跡青苔荒悠然詣石室闔絕憑丹牀
灰寒頽古竈靄煖墟神房乳泉榭杪滴藥艸巖根香
坐覺萬緣絕吟嘯餘清光明珎削叢篠回風語琅琅

嵩窩

碧嵩鬱盤繞佳絕留清窩南迤轉微逕窅曲旋空螺
青松翳礪户白雲飛巖阿日晡出仙鼠春深垂女蘿
半嶺色純黛落照金光多山窗寄小隱老子其婆娑

嵩山集卷上

大

修汲堂

金壺峯

一峯琢黠玉杳靄蒼雲平陽坡春欲盡芝藥留餘榮
飛空鶴自遶狎人麋不驚有時好風度灌木傳清聲
明月深相照白雲藹將迎元言遺道德緬懷古先生

道書老朋號
中嶽古先生

野猪坡

太室廿四峯峯峯何嵌巉撥雲尋仄磴羸旋性所耽
偏愛一陂陀坦邈便平幽探丹梯挂霄漢翠棧盤松
楠谷鳥破烟曉巖花飛春酣重取潏泉逕下上吾能

語

玉鏡峯

山靈露光怪虹氣升九天
元精凝崧嶽時湧一鏡圓
傳聞沈澱夕寶月凌虛懸
高穹淨掃翠萬木寒無烟
玉輪出清宵塵界涵新鮮
巖樞方幽闈宵景澹初弦

萬歲峯

陛下千萬壽曲將臣子私
登山事望秩稽首祝鴻釐
聞呼萬歲三頌禱義弗虧
無然信方士輒指登仙期
瑤芝翠可食神宮黯陟基
春風度遠谷艸木紛葳蕤

松濤峯

朝嵐澹窈靄邈迤聯羣峯
遠聆聲謾謾岑樹秀孤松
古身女蘿裊清晝神霧封
千年憩元鶴九霄蜿蒼龍

嵩山集卷上

九

修汲堂

春驚風雨至倒壑鳴淙淙
高步出宇宙曠蕩舒心胸
巖阿遺老友巢雲伴春冬

定心石

連峯勢嶽嶽蹲石隣巖洞
窮探憩腰足坐見天宇空
夕筇樹影涼春襟嵐氣重
平生獨往心叢利不能動
游蹤浩不羈散材老無用
終焉倚青壁因之結茅棟
澗泉散泠泠激耳回颺送

浮邱峯

宿雨斷宵鳴朱暘朗朝霽
游禽破新烟崩石纏古薛
修白拖巖泉踈青戛風笙
緬惟浮邱公遺迹隨軒帝
鼎湖飛龍杳鴻冢留塵世
荒哉求仙心未用挹其袂

嵐氣接東巖清蒼杳無際

東巖

翠擁嶽門戶巘寧東孱顏日車長鳥道雲蓋歌松關
風飄神靈雨波沒蓬萊山玉書千載閱霞梯樂人攀
謫仙才冠古騎鯨去塵寰修文寓黃室憂嫉娥眉班

嵩山集卷上終

門人梁曰源謄寫

嵩山集卷上

三

修汲堂

嵩山集卷下

錢唐桑調元

詩二

黃蓋峯

東岱比中嵩黃蓋為梁父凌霄峯勢獨峩青照神宇
靈通山澤氣崇闢天地戶籠山霧作巾醜空雨如弩
雲破青冥開風回翠柏舞澹澹掃修嵐聯娟秀眉嫵

芙蓉巖

苑園開帝所燦出青芙蓉初日乍照耀華鄂紛專重
雨流白雲氣霞爛黃金容千仞滴曉翠一朶浮清空
神秀潤艸木暉彩奔星虹天梯垂嶽麓月夕來青童

嵩山集卷下

一

修汲堂

青童峯

山深破寺寒天迴踈星曙清光動曉嵐獨對澄吾慮
泉新出澗流鴉蚤衝烟語黛影析峯螺朱暉昇日御
岩堯神嶽頂翁白雲生處暖見兩青童飛入層空去

雞鳴峯

秀萼映霄漢煙清碧鬼鬼天荒陰木聳磴峻明星低
磨驚薄險走鶴健凌空飛恠石蹲白澤高穹跨青霓
夜半咸池光破冥跣天雞重闈亂春夢清景何由追

懸練峯

飄風激飛瀑跳珠沸空潭奔衝石凝碧倒漾天蔚藍
映空羅五色眩轉初陽含龍拔千丈湫水挂一重簾

想像康王谷經過雁蕩巖
冰花涼盥頂晞髮脫吾簪
盧巖

艸堂沒榛鼓徵君棲石厂
秀拔萬仞巖蒼翠深皴染
崩崖下懸瀑銀漢倒激灑
陰竇鳴淙淙日色冷西崦
潭磴跡荒涼古綠苔千點
期仙仙不來松雲去冉冉

追和盧徵君嵩山十志十首

并序

僕向誦徵君十志篇慕其地
居幽峻辭吐清貞今跡
其處追和之不仍其音節
作古詩十章

草堂

維嶽啟隩宅艸堂構在茲
夕烟縈谿阜春星映茅茨
塵跡浮雲幻幽光少微垂
真境完白賁靡者斲喪之

嵩山集卷下

二

修汲堂

徵君移舟壑金仙古堂基
清風灑六合終古無成虧

倒景臺

衆山紛合杳曠蕩開天門
浮蹤白雨洗竒意青霞屯
春巖馥草木高臺凌閭崑
蒼茫接倒景瀟灑蠲塵根
明月親孫影清露湛芳尊
迴與人世隔閭窅寧心魂

榭館

巖隈手誅茅闢館蔭疎樾
煙破敲烏飛葉響盲聽發
凍雨清谷神沈泉浸華髮
午食不願餘齋厨烹露蔬
咄彼盪者流囚山畏十笏
剝啄巢務賔夕逗候蘿月

枕烟庭

秘遶半紫虛氤氛枕寒烟
芳靄縈衆綠清暉薄重元

月上映縞鶴風飛飄翠旃智慧謝機士逍遙忘大年
洞牖踈星入巖階暗溜穿凝神內不鑿游憩擬終馬

雲錦宗

急瀨激瓊液豪湍衝石稜霞日照縵縵雲錦羅層層
雷動龍湫拔雨過銀河崩波文五雜組寒溜一條水
幽淙激天籟匪士豈吾朋葢錢漬飛沫獨翫心魄澄
期仙磴

神仙縱非無儒者意不屑德晞白璧完名謝丹臺列
超遙山澤濯宵眇刁主諛帝鄉故非期元言差足悅
松子躡紫烟桂父飛絳雪今宵風月清幽磴遲鸞轡

滌煩磯

嵩山集卷下

三

修汲堂

苔磯一瑩目靈府煩全滌波聲下玉渠風勢翻銀礫
烟蘿畫不成水石氣相激漱玉抱回溪飛珠凌峭壁
日色澹幽幽智者神俱寂洗心碧澗流何處含忻戚

羃翠庭

荒蹊蘿影交曲逕松子委巖隈風色寒一遶羃幽翠
飛泉界喧遊空谷忘機事苔磴綠春錢芝田媚晚穗
清森艸樹陰罨畫川巖意濛濛夕牖暝山月忽而至

洞元室

巖坳洞元室石構因自然朝看潔雲出暮看飛鳥旋
即景飽新得何事談空元捐情委破甑寫意在無絃
貴賤謝物役修短隨化遷無邪清百慮寂處全吾天

金碧潭

澄潭發鮮光煥耀涵金碧巖葩映日春林鳶飛烟夕
低混一天青倒射千山赤新水碧羅羅羈禽寒磔磔
達士潔孤心世生纏百役倚石憺忘歸深宵印團璧
崖口五渡

羣嶂權奇奔斷羣到崖口淥瀨走沙深翠壁流雲陡
苔磴缺嵌嶽風湍飛左右源漪裝雜花坪絲漾踈柳
芳榭歸游禽夕陽影樵叟欲置白茅堂林中安磴白
測景臺

古臺聳峯岑土圭正日景入貢均六服中又遷九鼎
苔荒石表歌雨霽天星冷深春芳氣濃娟月寒輝靚
嵩山集卷下
四
修汲堂

垣竹戛清聲階桐散踈影升高睇烟嵐隱隱環嵩嶺

古陽城

決漭古陽城神禹從茲避巍然揖讓德邈矣謳歌思
干戈競七雄壇場紛六季澱洛沸雲川禾黍抽烟穗
清潁環春流碧嵩疊遠翠晚晚惜芳晨棟花如霰墜

箕山

箕山峻何極碧嵩讓岩堯許由聖之隱巢樊共超遙
漠然視萬乘棄之如一瓢默存性貞固早激風頽澆
禪元非所安古塚留巖榭空山明月靜微風息煩囂
潁水

一泓清可憐春繞箕山足鱗鱗映白雲瀟瀟滋翠竹

煖戲泳嘗沙輕浮追屬玉如聞洗耳人泝流牽我犢
龍卧有青山蟬蛻無黃屋澄波流至今高士見不數

棄瓢巖

脫然清士志一瓢亦棄之幽巖足棲遯焉用天下為
斯風一以邈高步何由追單樹冒嵐靄古道生蘿藦
青林羃翠幄白月懸清規颺颺激空響吹墮千涕洟
洗耳池

古賢抱至潔聆言輒洗耳風清窈窕濱月混淪漣水
了了鑿霜鬚泠泠冰玉齒儵遊春雨餘鶉散夕陽裏
吁嗟矧世污末由洗其髓往來人閱川一瞬流波駛

牽牛壚

嵩山集卷下

五

修汲堂

稱名貴遠志論居惡下流清川引赴叻超絕高士牛
置彼洗耳水牽飲溯上游野陰延翠簾遺壚緬榛邱
村谿夕照澹林屋春煙稠石上宛犢跡月映青苔幽

懷賢詩三章

許由

若稽古隱士節操何廉貞長辭唐堯去自樂箕山貧
養性間日月逃名潔精神山川遊汗漫盤石志嶙峋
甘瓜施深谷高林連荒榛巖隙結茅屋顛作由東鄰

巢父

巢父忘姓名高眠是真隱冬春栖一巢心跡入無朕
方噴士洗耳肯使牛汚吻風池曳水衣雨石生寒菌

偃月有幽墳神理箕山近誰謂遯鴻荒賢愚同泯泯

樊仲甫

我生愛狷潔不見樊仲甫跂脚想真人澄心照池主
秋落箕山霞春飛犢泉雨弗聞舜禹禪祇與巢許伍
至道不邱墟浮榮如糞土清風吹不歇萬古萬萬古

平洛水

委蛇平洛水春流方渙渙淼淪下五時雪波濺石岸
慢縈葭亂迴飛衝鳧鴨散河口急潺湲巖根動浩泮
燿華汎翠漪日影翻清漢沙瀨鏡塵顏槃礴一漱盥

劉碑原

春原多艸木烟靄紛巖蕨野雲帶村砦溪水環茅茨

嵩山集卷下

六

修汲堂

飛光射樓寺鼉屨蹲劉碑佛身翠珉泐螭首青苔滋
石亭架礪礪古綠延塔墀征衫浣白汗流憩風颺颺

石淙

三澗實泓崢西迤粲竒石窮幽遇風欣入阻羅翔獲
造物施天巧雲根碎崩砦嶽峯肖物狀飛動誰刻畫
秀作三神仙滄波蕩日夕湖穿洞石幽峽束春淙碧
灰滅三陽宮淨洗蒼崖跡顏照如有情淹洄獨往客

車箱潭

石林挿水窟竒絕萬筍迸崖潭形侶束風泉力相競
根嚙虎牙銛深射牛努勁巖嵌白鴉飛洞罅文魴泳
倒樹瘦更堅旋螺冷逾靚漾日浪紋圓挾雨淙聲橫

千波赴車箱一溜塵泥屏月夜散清暉獨悟光明鏡

石淙山雨

油雲幕四際朝彩匿圓靈車箱波活活巖阿雨冥冥
天意布時澤陽氣舒春霆初報洵窳餘點飛岩亭
浪花散浮白石骨明深青雙崖岌苔磴屐齒承微馨

北崖

虛竅厲風濟雨散開陰霾拂雲宛可袖鑿石故堪揩
趁流鮪潑潑鳴樹禽啾餘春渚花媚新霽林旭佳
烟波省遠夢洞壑輸幽懷碑字已漫漶挽水湔青崖

南崖

山深麋鹿遊天晴鶉鴉鳴幽涼激石飛陰靄當空散

嵩山集卷一

修汲堂

死樹龍骨摧春螺佛髻與巖燒水蕪平散蔭松日肝
蘚字剝題名蝸涎浣揮翰幸垂青雲梯樵斧不斬斷

天中閣

中峰近倚盖傑閣危建瓴春星繞分野神嶽羅真形
靚縈河洛帶翠列熊箕屏天空霽月白夜靜寒烟青
羣靈聚清闕一鶴冲天冥微風度殿角鏗然韵流鈴

中天街

有巖嶽靈地杳靄飄清香嵐光耿春碧雲氣流曛黃
金節輝照曜玉井甃潢洋神霄傍雞犬闕閣森鸞凰
地瀉碧月冷街侶銀河長今宵振襟佩微步天中央

盧鴻故里

渺矣清風洒艸堂千仞高且無司馬悔得遂許由逃
巖上青松冠雲中白鹿遨終南有佳處捷徑笑塵勞
密縣道中

細雨幾絲颺僕夫慵早行柳侵官道暗山映女牆平
小鳥綿蠻語油雲靄靄生白松何處是步訪愜幽情

天仙洞

土岡逕詰曲沿綠詣仙洞游絲罥破帷古礎承歌棟
白松幹卧地青檜枝冪空一溪石色幽四天雲氣重
荒土沒龜趺高冥渺鸞輶冷院墨蹤留書摩王次仲

哀白松

白松摧已久巨幹卧槎枿一種賁無色千年生有涯

嵩山集卷下

八

修汲堂

紅羊成浩劫元鶴渺仙家老朽空山裏摩挲且嘆嗟

見殘李花

今歲春光晚荒陂識李花空留一樹雪飛點幾重沙
馬映團團月人歌緩緩車他鄉自開落狼藉好年華

雨行二首

黯黯看天色車行我僕愁雨纔沾席帽寒復攬羔裘
霧氣鋪如海蓬聲省在舟吾心遊汗漫淹速摠無憂
澌澌方雨急殷殷復雷鳴夾道柳增翠落溝泉有聲
迷離村店近高下水蕪平未晚投鞭宿辛劬僕馬情

夜坐口占

點檢征衣濕微寒勸舉觴春憐人夢遠雨引客愁長

盤礴山川氣浮沉翰墨場誰能孤燭夜兀坐不思鄉
見一墳封木甚盛感賦

封樹葱蘢甚誰家有此墳却嗟先隴遠不見翠氤氳
浪作飄蓬客空傳誓墓文也如親舍在淒望海東雲

潮河

潮河一泝水出自欒巴祠玉潤馬頻飲瓊漿人未知
塗經新雨滑杖過古橋危前望謝庄店空林烟火遲

車中懷麓兒

蹀躞馬行穩縱橫車轍多黟雲疑是嶺窄道欲成河
晴樾鶯歌脆春田雉雊和吾兒念遊跡凝望意如何

道中書所見二首

嵩山集卷下

九

修汲堂

陰晴渾不定野景闐青蒼斜漏雲中日遙明澗外岡
窯居民俗古蓐食客心忙頗覺暄和驟風來洒面涼
清晝暄加永陰雲野未齊提筐登麥坂持斧倚桑梯
沙阜黃如犢潭渦翠沒鷺征途歷夷險未覺辱塗泥

曉發中牟

中牟城中曉市譁中牟市中人如麻中牟人侑青精
飯入市爭買朱藤花

嵩洛雜詩一百十六首

畢娶何須學向平筇枝到手萬緣輕千峯冷拂苔花
石是處題名獨往生

老去情懷數散愁彭聃光景亦蜉蝣長楊葉老圓荷

小縱是春過也合游

訾家庄北艸萋萋楊柳烟籠一帶隄沙戶不愁瓜蔓

水波聲飛落小潭溪

地名

烟絲搖漾綠鬚髻溪畔人家挂小罾三十六陂春水

濶東流官渡照衰興

一豹皮留色熈煌兒童名震鐵槍王當時老計多長
樂莫惜英雄死為梁

京水流離遶碧瀾三臺誓死泣龍鸞遼金也有春明

夢斜月經過毳帳寒

底事天生草澤豪元黃戰血灑成皁畸人不帶風雲
氣也激長歌下虎牢

嵩山集卷下

十

修汲堂

平生愛放剡溪船夾岸龍孫拂曉烟可惜王猷清興
阻青鞋不到竹竿川

東巖皴法認披麻黑石峻增色侶鴉幾載不臨芳草
渡船人休唱浪淘沙

白袷衣臨洛浦寒橫塘細艸露珠團蘋花十里無人
采一樣春風皺碧瀾

連朝洛浦蕩清暉夢裏家山數載違思煞波心飛土

翠

四魚

一湖春水遶苔磯

卜洛成周世代遙陵遷谷變閱先朝只今楊白花飛
急河北河南雪不消

昆昭臺峻拂虹霓內苑葱蘢萬木齊鶴駕不來雲氣

散春風無復水晶泥

姬宗零落惡狐遷九鼎危如一髮懸快意風雷攄老
筆青編章武紀元年

世眼惟知前席榮治安策上漢廷驚洛陽自昔多名
士終古何人侶賈生

滄溟城西古樹迷尸鄉土室想幽棲龍爭虎鬪渾閒
事只有仙翁自祝雞

川雲海氣黯蒼茫贏得昌黎真一觴恠底紛紛銜璧
去幾人安穩作降王

白馬西來豎剎竿花宮丹碧入雲看阿誰通取金仙
夢休恠繙經竺法蘭

嵩山集卷下

十一

修汲堂

日飲無何計自良蘧廬占籍醉為鄉洛陽多少名賢
在獨遣幽人愛杜康

書生投筆壯心顏萬里封侯祇等閒卽阜搃歸塵一
窖何須生入玉門關

不見都亭翫驪人中原蹄跡黯前塵至今行到埋輪
處一片飛霜入晚春

樓櫓盤空百戰場無情春水照興亡花邊小劫如塵
夢青蓋何年入洛陽

怊悵君王賦感甄愁輸眉意罵聯娟凌波不見驚鴻
影唯有春風度洛川

塵生土甑意蕭蕭此段風流故自超金谷園亭盡蕪

沒清名留得范丹窠

典午宮城闕廢興幽淪重見宋家陵一般南度匆匆
去寒雨荆榛冷漆燈

房老消沉石友徂風流底用齒齰奴豪華金谷灰飛
盡贏得芳叢是綠珠

洛下蒼鵝出地騰金墉落日淡觚稜六朝淪覆渾如
許無數青山侶秣陵

龍虎威名早歲強羈羅晚計太
郎當關中不解爭先
著殘局端應侶憤王

鞏南空自設盟壇光祿亭臺夜雨寒惆悵金龍池水
麗有花都讓別人看

嵩山集卷下

七

修汲堂

一道香塵白日迷侯家戚畹簇輪蹄濯龍門外烟蕪
冷處處春田布穀啼

洛陽花柳繪承平珠勒轅鈿夾道行百尺紅欄照流
水春人凭立最分明

京洛名花天下稀內人艷照綺羅衣繁華催逐春波
逝長樂宮中萬瓦飛

佳氣遙連禁苑東華池清籞映簾櫳上陽春樹樵蘇
盡一帶青山繞故宮

銀燈歌舞幾承恩複道斜通內苑門春望望春宮畔
樹啼鳥原是羨人魂

黃臺春晚翠參差正是甘瓜引蔓時不識人間可哀

曲遺民猶唱種瓜詞

烟含春野綠迷離庄上遙思海鶴安水榭風亭饒自
在誰知憂國髮如絲

獨抱遺絃在洛東持箋發憤告天公水南水北影纓
去只剩先生破屋中

烏賀全義僻壘分窮愁亦足張去聲吾軍崢嶸萬古潮
陽筆當日低頭獨拜君

蕭瑟伊原木石荒夾鳩遞禪一山庄平泉自是春空
影欲繫浮雲笑贊皇

王城雲日麗晴輝如水鈿車一道歸簪得生香花幾
朵雙雙蝴蝶上頭飛

嵩山集卷下

七

修汲堂

夾馬營荒冷碧苔金銀佛寺拂雲開琉璃井是咸池
水一勺曾經浴日來

何時歸去及春華放浪浮生信有涯未識天津啼血
鳥重巖滿眼杜鵑花

嶙峋高閣切雲開賓主風流未艸萊春滿林塘烟靄
動猶疑花外小車來

姚魏香濃撲玉缸笙歌沸處簇油幢花工巧擅醫花
法細細珣黃點氣窓

鼠姑含態午晴初窺艷流鶯下綺疏居士空留花品
序春光已是劫灰餘

年年芳事付流塵暫破羈愁到洛濱瞥見當堦紅藥

影借人亭館賞殘春

臨芳古殿水蕪荒猶憶宮花滿
洛陽粉萼香蕤干本
艷一簇竒絕卵心黃

蔥蒨西園鶴蓋停池波作雨
灑青冥春人多在懜騰
裏安得飛濺醉臉醺

陸沉天地委神州誰向新亭作楚囚
多少東都亡國
恨都隨伊水入河流

天中崑岷漢家阡封樹迷離幕晚烟
當日黃雲接巫
峽猿聲叫斷姓劉天

禹功疏鑿舊乾坤晴日遙飛彩翠痕
行到洛陽天際
望青山中斷是龍門

嵩山集卷下

十四

修汲堂

高臺幾載視平蕪悔別家山倚客途
一到龍門醒眼
界翠微樓閣侶明湖

細馬驕行踏軟沙爭船人語渡頭
謹綠楊絲罨龍門
口僂有疎籬賣酒家

舊人瞥見值何哉問訊教停渡口
驂惆悵風前懷故
主落花如雪望江南

華裾織翠影匆匆千頃琉璃映若空
遲日遊人珠汗
落愛他蘋末起清風

水檻苔龕迴絕塵莊嚴寺外即通津
青山夾出玻璃
鏡照徹空亭自在身

衝破蒼烟挂一筇春淙倒捲白雲峰
賓陽洞擊馮夷

鼓百道飛泉盡玉龍

鴉語催升曉日團
隔川人影簇遊盤
一池方廣浮萍綠
環繞春波卅字欄

隔浦流雲動曉山
青螺疊裏鏡中鬟
斷崖挿岬凌千尺
誤認具區消夏灣

舩艚輕衝白鷺沙
聊乘暇日覽春華
不羞鏡裏星星髮
也逐遊人踏落花

紗巾艸履信淹留
只有閒身得自由
伊水春來清滑笏
可無一葉釣魚舟

大辨才從徹悟餘
香山居士本文章
殊漁洋倦眼披金屑
失却光明大寶珠

嵩山集卷下

十五

修汲堂

千春事往水滔滔
鴨綠初看漲一篙
白傅風情消不盡
夾隄楊柳間櫻桃

風前得便即抽簪
成就先生老醉吟
勲業縱輸麟閣上
合教詩句播雞林

流丹鑿翠占幽巒
川勢橫環石脈青
九老吟魂春不散
靈風吹過素雲鞞

獨客回依青豆房
月臺乘興縱清狂
醉中橫把龜茲笛
吹裂龍門萬仞崗

懶睹機鋒吸老龐
琳宮千尺侶臨江
曉燵收盡清光溢
眼冷齒南水一窗

山色波光潑座來
雲中石疊九蓮臺
浮生重到非容

易更上香山看一回

伊闕朝橫翠靄間
柳花飛點畫中山
小車穿入楊林去
回首清波玉一灣

穹碑高出九層臺
古字季深繡綠苔
空外鶴飛踪跡杳
一池清水似蓬萊

高閣朝元聳碧霄
星冠羽帔颯風飈
却憐新月臨窗白
夜夜夜深吹洞簫

小溪流水響潺湲
嶺上春鶯獨不言
自是時平關失險
一痕煙影抱鞦韆

衣紫沙門一派傳
空山鐘板動諸天
是非休問西來旨
絕壁誰能面九年

嵩山集卷下

七

修汲堂

柏廈枵空絕壁捫
燒丹尚剩藥爐痕
寒猿導客如相識
一逕螺旋入洞門

青鳥歸飛冷石臺
微聞清淺報蓬萊
菖蒲九節漿盈盞
倚峽待仙來不來

小逕穿松又踏沙
零紅耕破野人家
少陽河畔春聲雜
萬樹流鶯兩部蛙

嵩陽真氣燦成霞
漢柏陰中駐翠華
幾片落紅浮斷澗
行人喚作御溝花

爭劫俄憐世局殘
仙碁閒布在層巒
抽身一着空天地
幾點疎星落石盤

嶽廟金人陞楯宮
松陰雨立不知寒
却思淚落如鉛

水怕向層霄捧露盤

萬仞凌霄滴翠寒
神房工匠署胡寬
中天賢俊生申甫
留得丹青畫壁看

黃蓋峯前妥嶽靈
金龍玉簡御香亭
神宮屈戌餘清閱
難得鼓篁一院青

二室春飛彩翠濃
幽巢未便覓雲宗
騰空倚仗親兄弟
踏遍東西六十峰

中人呼杖
為親兄弟

漢武登封不記年
油雲疑是燿壇烟
東巖微辨升中路
幾頃春蕪翳時田

昨宵春雨下烟霏
碎瀑輕沾薜荔衣
未用珠簾遮洞戶
巖泉一道捲空飛

嵩山集卷下

七

修汲堂

盧巖一雨百泉新
瀑點如珠迸淚頻
天半飛湫追雁

蕩傷心遊伴已成塵

謂朱子齋

未得長閒結草庵
芒鞋暫且躡雲嵐
心如五渡溪邊

水一泓銀龍遶石潭

紺石縈回細逕斜
葱籠珠璣蔚青霞
鐵梁峽口茅亭

小一縷淡煙僧煮茶

鐵梁大小石縱橫
似步空廊傑有聲
世外多情一明月
直陪孤影到三更

幽居恰有好巖局
苔氣還連石氣青
第一潭坳春水

滿曉天寒浸雨三星

層巒雲木曉相參
初地苔花掃石龕
獨往青山無一

層巒雲木曉相參
初地苔花掃石龕
獨往青山無一

事空明濯足九龍潭

珠斗離離挂碧嵩一彎弦月墮如弓鶴轂衝過西岩
去大小石樓空復空

白雲曉散集靈臺玉女青童去不回仙意只如緱氏
跡飄飄疑自阜鄉來

欲卧嵩高萬仞雲一峯獨秀帶斜曛黃精便作金丹
餌白髮如絲不用耘

塵世那堪靈夢長松濤吹醒意清涼紛紛亂落風前
子可作潛夫竟歲糧

飛空明鏡挂中天下界溟濛一片烟夜半不眠無伴
侶只留孤鶴在松巔

嵩山集卷下

六

修汲堂

金壺墨汁澆仙衫紫氣千重護玉函我欲雲眠不歸
去石窗留作著書巖

高登崖上碧雲深風際時聞簫管音截取琅玕三兩
尺橫空翻作水龍吟

幽磴元雲冷石幢朝曦紅透玉妃窗鸞音忽發高空
裏衝破青嵐鶴一雙

放眼初凌華蓋巔天風吹袂意翛然鄉園遙望齊州
裏依約東溟一點烟

新宮千仞躡丹梯袂把浮邱路不迷一曲參差吹未
了跋烏欲墮萬峰西

催散林鴉曉色分萬峯如黛翠氤氳益天公忽作魚龍

戲曼竹嵩高一片雲

小隱西溪卜築遲年光屢負白雲期含情飛玉泉邊
水恰照羈人鬚裏絲

鬼谷幽深白日晡長留水雪冷春蕪何人遊說賈金
印未是青溪道士徒

穀紋萬疊細滌洄盡赴車箱谷口來潭面掃空金碧
影祇教倒寫石樓臺

春波噴激語潺湲恨煞行雲散錦還淨洗摩崖碑上
跡清流不改石淙山

清漪小塢石堂偏漏補編茅蓋一椽輸與山僧饒淨
福春淙飛到卧床前

嵩山集卷下

九

修汲堂

箕山春水碧于蘿飛落千盤洗耳河恰捲高空雲霧
淨少微一點映澄波

九州只侶一瓢捐何處遨遊不灑然留著峰頭三丈
土絕勝天上葬神仙

三丈字見
路史餘論

石橋新漲下浮槎官渡崩流激浪花寤寔袁曹爭戰
地一灣芳艸覆春沙

雪滿平田造字初屈盤天地大文舒青蟲葉上雕奇
篆也學臺前鳥跡書

魏國河山坏土存千秋只有布衣尊一杯手酌荒烟
裏今日何人肯閉門

地接金明御苑開君王常在百花臺靈芝甘露年年

見莫道宣和劫數催

荒陂碧艸恣游盤那管昆明劫屢殘其奈青城春黯
淡吹來陣陣曉風酸

蕙殘銅輦賦蕪城地老天荒一種情腸斷雪香亭畔
句遺山原是庾蘭成

霽湧紅鉦午復陰間中歲月任駸駸劇憐信宿春歸
去榆莢楊花一尺深

也愛宵分撫七絲華陽亭下月明時廣陵遺譜今猶
在眼底何人是孝臣

蒲盧亭

郭南渚一水四面皆蒲盧搖輕柔檣疾浮空小亭孤

嵩山集卷下

三

修汲堂

春氣涵淨淥波光散虛無掠陰翹翠鳥戲水騰文魚
芳飈回檻外葉葉清響俱凝思汎秋雪眼醒西溪圖

重過白華寺

白華一破寺秋草春復青荒堦水泱泱虛牖風泠泠
前塵遺古殿積雨飄危甓題詩陳跡在觀空客夢醒
造來孤花笑暫憩片雲停殘僧耽幽寂清晝綠苔扃

歸興

高歷中嵩萬仞強更看洛浦好風光漫郎本自為聲
叟客舍還應似故鄉十日乳鴉飛出苑一時新水淥
過塘匆匆未暇論遊跡與餞殘春趣舉觴

抵須友堂

烟光冷暖遞氤氳徐洗行塵酒十分飄地榆錢不知
數浮波花鴨自成羣迎人講樹窺梁月伴客吟筇帶
嶽雲荏苒旬餘春已夏挑燈重與細論文

嵩山集卷下終

門人梁曰源謄寫

嵩山集卷下

三

修汲堂



03525

